



MEMORIA XUSTIFICATIVA DO ACORDO MARCO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA DA XUNTA DE GALICIA E A FUNDACIÓN CETMAR, A FUNDACIÓN AYUDA EN ACCIÓN E A ASOCIACIÓN NACIONAL DE FABRICANTES DE CONSERVAS DE PESCADOS Y MARISCOS (ANFACO-CECOPECA) PARA A POSTA EN MARCHA DUNHA INICIATIVA DE DESENVOLVEMENTO DO SECTOR ACUÍCOLA E PESQUEIRO ARTESANAL NA BAÍA DE SECHURA, PERÚ.

(1) A Vicepresidencia e Consellería de Presidencia, Administracións Públicas e Xustiza, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento.

No mencionado ámbito material, constitúe un dos obxectivos prioritarios sectoriais é a da potenciación dos axentes de cooperación ao desenvolvemento de Galicia co fin de crear unha rede de solidariedade na nosa sociedade.

(2) Antecedentes:

En febreiro de 2015 tivo lugar a sinatura dun Memorando de Entendemento Marco de Cooperación entre o Ministerio da Producción da República do Perú e a Xunta de Galicia, para colaborar na posta en marcha de proxectos e iniciativas de cooperación técnica, científica, tecnolóxica e de xestión, que deriven na mellora da xestión, produción e comercialización dos produtos pesqueiros e acuícolas, e que incrementen o desenvolvemento das poboacións costeiras, mediante a explotación racional e sostible dos recursos hidrobiolóxicos.

A Xunta de Galicia xa viña desenvolvendo proxectos en apoio ao sector pesqueiro e acuícola e outros no Perú, concretamente na Baía de Sechura, da man de diferentes axentes e actores como a Fundación CETMAR, ANFACO-CECOPECA e a Fundación Ayuda en Acción.



No ano 2018 encargouse á Fundación CETMAR a realización dunha Misión de Identificación no ámbito da pesca e acuicultura artesanal, na que participaron os diferentes axentes e actores con experiencia na zona e sector de intervención e no que se recolleron especificamente as demandas e necesidades de apoio técnico das institucións de goberno no Perú.

(3) Finalidade

A Xunta de Galicia ten como un dos seus obxectivos o reforzamento do modelo de actuación nos países prioritarios e comunidades socias, entre os que se atopa Perú, con base no establecemento de alianzas territoriais multiactor e multinivel, nos sectores de especialización da Cooperación Galega, como é o caso do sector pesqueiro e acuícola. Trátase de reforzar as capacidades da Cooperación Galega mediante o aumento da complementariedade entre actores e axentes, a través do impulso da coordinación, a colaboración e a concertación, poñendo en valor a capacidade e experiencia dos diferentes axentes, sobre todo naqueles ámbitos estratéxicos nos que Galicia conta con certa especialización e nos que pode aportar un valor engadido nas súas intervencións.

(4) Obxecto

A través deste Acordo marco régulase a participación das entidades asinantes na execución da Iniciativa de desenvolvemento do sector acuícola e pesqueiro artesanal na Baía de Sechura no Perú.

Vinculados a este Acordo marco serán asinados, sempre que se cumpra cos trámites legalmente esixidos, convenios coas diferentes entidades involucradas, onde se establecerán, de maneira conxunta e coordinada, os detalles e a temporalidade das actividades a executar por cada organización e nos que se determinen as obrigas orzamentarias de cada parte.

Esta tipoloxía de convenios obrigará a unha revisión do conxunto da actuación unha vez finalizados os tres primeiros anos de execución, de cara a valorar a sinatura de novos convenios, que derivarían deste mesmo Acordo marco de colaboración.





(5) A singularidade desta intervención vén determinada polas accións a poñer en marcha para o fortalecemento das capacidades de xestión e planificación nas institucións peruanas, a través da cooperación directa de carácter técnico e de transferencia tecnolóxica, que coordina e complementa a diferentes axentes e actores, aquí en Galicia e no Perú.

A especificidade das actividades obxecto do proxecto, que son de claro interese público, máis a natureza diversa das entidades implicadas, xustifican a necesidade dun Acordo marco de colaboración que centre as bases para a posta en marcha, conxunta e coordinada, desta Iniciativa de desenvolvemento do sector acuícola e pesqueiro artesanal na Baía de Sechura en Perú.

(6) Vinculados a este Acordo marco serán asinados os convenios coas diferentes entidades involucradas, onde se establecerán as obrigas orzamentarias de cada parte e que serán oportunamente tramitados como convenios individuais.

Asinado electronicamente en Santiago de Compostela

A subdirectora xeral de Cooperación Exterior

(PD. Orde do 8 de xuño de 2010)

Pilar Pomero Rodríguez

